

卷十一

書名 事物紀原二十卷 正統九年建安陳氏刊本
 撰者 宋 高承 撰, 明 陳華 點, 明 趙弼 校
 卷 卷十一
 內容分類 子 類書 彙考 宋
 索書號 大木-子部-類書類-47
 編號 C5923000

彩色首頁

東洋文化研究所漢籍目錄 編號: C5923000

東洋文化研究所漢籍目錄所藏漢籍善本全文影像資料庫 索書號: 大木-子部-類書類-47

漢籍善本全文影像資料庫文本事物紀原二十卷 正統九年建安陳氏刊本

版權所有: 東京大學 東洋文化研究所

使用上的注意事項

事物紀原卷之一

天地生植門

曰太易者氣之未見也太初者氣之始也
 形之始也太素者質之始也形氣質具而
 曰渾淪高氏小史曰太易氣象未分太初
 明太始氣象初端太素形氣變質太極形
 然則元氣之始自太初也徐整三五曆紀

漢陽府推官建安陳華批點
 致仕教諭 南平趙



高承編集



事物紀原卷之十一下

漢陽府推官建安陳華批點
致仕教諭南平趙弼校正

(環元中貴門)

上將軍之記義帝號曰不義為將軍漢以宮祿為上將軍魏
文帝黃初中有上將軍唐德宗貞元元年諸衛各置
上將軍老子曰君子用兵則具右是以偏將軍處左上
將軍處右以是言之則古有上將軍之官也。

戰國時始有大將軍之號隨事即置亦不主官劉

劬爵制云秦有十八爵大庶長即大將軍也左右庶長即左右偏裨將軍也楚懷王與秦戰秦虜其大將軍屈丐漢楚時項羽稱范增為大將軍漢遂因之遂置大將軍開府如三公至隋煬帝於諸衛悉置也。

周禮天子六軍一軍一萬二千五百人其將皆命卿蓋在國則稱大夫在軍則稱將軍也後漢有官志曰初漢列將軍始自秦晉以為鄉號七國皆有其事漢以來命官極多所以雜封其名號也。

左傳楚潘崇掌環列之事謂宮衛之官列兵而環王

宮也漢京都有南北軍掌理禁衛則衛亦秦之舊制以晉武重兵官選清重之士置於軍以統諸衛此諸衛之始也。

中備隋初為領軍府煬帝改為左右屯衛唐高祖為威衛五代周太祖時避名復曰屯衛也。

千牛備宋謝綽拾遺記千牛八人主防身刀也取莊子庖丁解千牛而刀刃若新發矧之義故後魏有千牛備身掌執御刀唐顯慶五年始置左右千牛府龍朔三年改府曰衛。

宋朝會要曰太宗淳化五年八月以翰林醫官趙白為少府監丞兼醫官副使唐會要德宗貞元八年八月令侍御醫尚藥五長藥藏郎並留授翰林醫官然則醫官之制當是唐官也

唐百官志曰開元二年置教坊於蓬萊宮側京都置左右教坊掌俳優雜劇以中官為教坊使此其始也又曰武德後置內教坊武后改曰雲韶府以中官為使元後始隸於大常也

橫行武列門

客省使唐初諸功臣傳往往有內客省之語而今有內客省使蓋唐所置也

客省使漢有公車司馬令掌天下上章四方貢獻闕下蓋唐客省之職也唐會要曰永泰已後多事四方奏計或連歲不遣乃於右臺門置客省以居之上書言事番戎將吏蓋於此待報唐書李師道使崔承慶入奏待命客省是也會要曰昭宗天祐元年四月勅有客省吏宜自代宗始命其職也

進使

五代會要曰梁雜使有引進使國朝會要曰五代有內外馬步軍都番頭漢都引進使宜漢官也

四方館使

通典曰魏改漢大行令為客館令宋初置南北客館周
署東西南北四當客後乃為四方館國朝會要曰淳熙四年改
置使名掌文武官正謝辭國忌賜香諸道月旦正至章表郊
祀朝番官貢舉人進奉使京官致仕官道釋父老陪位之事
館使之制宜自此始。

閣門使

五代唐天祐二年初東上西上閣門制置各別國朝會要
曰橫班有東上閣門使西上閣門使凡取稟旨命供奉乘輿
朝會游宴及贊導導三公群臣番國朝見辭謝糾彈失儀之事
使副專之政如橫班使副之名改為大夫 其後所除總名知閣

事以燕客省四方館之職

通事舍人

故事閣門無通事舍人沿唐制自中書省如
抽赴門門並稱閣門樞候其後直授閣門四事舍人非

舊制也天禧中去閣門二字則通事舍人自宋始也

都承旨

五代有承旨副承旨以諸衛將軍 太平興國
中以楊守一充都承旨都承旨自守一始也是時都副承

旨多用士人神宗遂用吏熙寧二年始以東上閣門使李

評為樞密都承旨李綬為之副不用院吏而更用士人

自評始也

宣使 淳化五年以王繼勳平賊功特置此名授之談苑曰宋太宗時內侍王繼恩平蜀李順之亂中書議以為宣使使上不欲宦者預政召張洎錢若水議置宣使在昭宣使之上也

昭宣使 淳化四年置昭宣使初以皇城使王延德王繼恩等使杜彥鈞為之又曰諸司使舊無此額詔旨特置在此年二月也

左右侍禁 談苑曰宋太宗雍熙四年增置左右侍禁宋朝會要曰淳化二年正月置左右侍禁不在殿直之上先是供奉官殿直有四十年不遷者故特置崇班侍禁之職

染院 周官有染人掌染帛秦為平準令隋有司染署唐又有染坊宋朝會要曰唐有染坊使太平興國五年分置東西染院使名亦改也

禮賓院 唐會要曰天寶十三年勅鴻臚屬司有禮賓院又元和九年六月置禮賓院於長興里其使名宜自此有也五代會要曰後唐天成元年太常禮院奏本朝故事諸客並于內殿側對事仁禮賓使由此證之其官始自先唐也長興元年有禮賓使梁進德自契丹報轉迴也事物紀原卷之十一畢